



## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad  
Spiritus Sancti Aduentum & Euangelij promulgationem, complectitur

**Puente, Luis de la**

**Coloniae, Anno M.DC.XII.**

Med. 5. De Apparitione facta alijs mulieribus simul cum Maria Magdalena.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

tibi, quas possum maximas, ob tantum fauorem, quo nos prosequeris, dans nobis Patrem tuum, in Patrem nostrum; Deumque tuum in Deum nostrum. O Anima mea, si talem habes Patrem, quid vis amplius? & si talem Deum, quid amplius quæris? O Pater mi, ostende te mihi Patrem faciens me dignum qui tuus sim filius. O Deus meus, ostende te esse Deum meum, faciens me vnum spiritum tecum, per vnitionem perfectæ charitatis, Amen.

*MEDITATIO V.*

DE APPARITIONE  
alijs mulieribus, & ipsi M-  
G D A L E N A E  
facta.

PVNCTVM I.



DISCEDENS Sancta Magdalena, magno animi gaudio, ex loco monumenti; assecuta est reliquas socias in itinere; ac referens illis, quod sibi euenisset, omnes sunt inflammatae magno desiderio Magistrum suum videndi, qui aduertens illarum desiderium & feruorem, quo adeò diluculo venerant ad

monu-

monumentum, obuiam illis factus & salutans dixit: *Auete.*

*2 Mat. 28.9*

PERPENDENDVM hic est, quantam curam Christus Dominus adhibeat, in reddendo suis laborum, & vigiliarum præmio, quamuis differat interdum visitationem, donec aptiores illi ac digniores se reddant, ad copiosorem fructum ex ea referendum. Ex quo discā, nunquam desistere à piis exercitiis, etiam si huiusmodi visitatio diutius differatur. Est quæ magnæ consolationis motiuum, si attendamus Christi Dñi nostri bonitatem, qui, modò rectā ac feruentē intentionē ipsi placendi, in nobis videat, facilè dissimulat imperfectiōes aliquas pijs nostris desiderijs admixtas; vt euenit pijs hisce mulierib⁹, quæ, etsi cū aliqua fidei imperfectiōe venerunt, vt illū vngerēt; quia tamē intimè desiderabant illi placere, intuitu pijs huius desiderii & intentionis, voluit illas cōsolari. O quam hilares illæ permanserunt ex aspectu sui Magistri! & quam benè collocatos existimarunt præteritos suos omnes labores: solo enim illo verbo *Auete*, quasi diceret: gaudete & este hilares, ingenti fuerunt salute & gaudio repletæ: quia verbum Christi est efficax, & operatur quidquid significat. Nec absque mysterio, verbo hoc usus est Saluator, quo Angelus Gabriel, cū eius Incarnationem B. Virgini annunciauit, fuit usus; vt sic confirmans quod Angelus dixerat, ipse his mulieribus annunciarer, per sanctissimam suam Resurrectionem, abolendam

male-

maledictionem culparum, quam per mulierem vnā omnes incurrimus. O Saluator mi, veni in animam meam, & in omnes eius facultates; ac dic illis, *Auete*: tuo enim verbo replebuntur omnes benedictione & gaudio, quod gloriosa tua Resurrectione nobis comparasti.

## PUNCTVM II.

**S**TATIM atque hæc piæ mulieres, Magistrū suum Christum Dominum nostrum viderunt; *a accedentes tenuerunt pedes eius, & adorauerunt eum.* Non se præcipitanter ad hoc proiecerunt, sicut Magdalena primū apud monumentum fecerat; sed maxima, qua potuerunt reuerentia, ad illum accesserunt, & adorarunt, & facta ab ipso potestate, tenentes eius sacratissimos pedes, amantissimè sunt osculatæ. Et hic affecuta est Magdalena, quod tantopere desiderabat, vt tangere liceret, & osculari pedes Christi Magistrī sui. O quantam iucunditatem senserit in huiusmodi tactu; & osculo sacratissimorū illorum vulnerum, quæ tanto desiderio vngere concupiuerat; illæ venerant ad monumentum, vt Christum vngerent; sed Christus illas vnxit vnctione, qua ipse vnctus erat, *b oleo videlicet letitia*, ac diuini spiritus deuotione, quem super illas effuderat.

AD imitationem harum sanctarum mulierum, (quas S. Marcus tres tanquam præcipuas fuisse refert) curandum mihi est, vt tres  
ani-

a Mat. 28.9

b Psal. 44.8

Marc. 16.1.

c *Isai. 55. 2.*d *Psal. 44. 8.*e *Psal. 78. 8.*

animæ meæ facultates, in ipso Christo Domino vngendo occupentur. Memoria piis cogitationibus; Intellectus sanctis meditationibus; voluntas feruentibus affectibus: ementes huiusmodi vnctiones ab eo, qui dixit: *c omnes sitientes venite ad aquas; & qui non habetis argentum, properate, emite absq<sup>ue</sup> argento, & absq<sup>ue</sup> vlla commutatione*, quia ipsemet gratis nobis dat pretium, quo hanc vnctionem emamus: eius autem auxilio & fauore multa exercitia offeram mortificationis, tâquam pretium ipsi gratum; petamq<sup>ue</sup>, vt mihi aromatics huiusmodi species largiatur, quibus illum vngam: siquidem de manu eius, omne bonum mihi obueniet. O Christe IESU, quem Pater æternus, *d vnxit oleo lætitiæ, præ consortibus tuis*, nõ indiges ad eò vilibus vnctionibus, quales sunt meæ; sed charitas tamen tua tanta est, vt pro oleo & vnctione lætitiæ tuæ accipias, quod me videas tui amore inflammatum. En offero tibi aromatics species, quas comparauì, affectus videlicet laudum, & animi grati, amoris ac fiduciæ, viuaq<sup>ue</sup> desideria, omnes virtutes consequendi, vt illis te vngam. Sed tu Domine, qui te quærentes præuenis, *e cito anticipet me misericordia tua*, fac mihi potestatem sacratissima tua vulnera spiritu contingendi; eorumq<sup>ue</sup> pretiosissimo liquore vnge cor meum, vt diuini tui spiritus gratia adiutum, in tuo semper amore & seruitio occupetur.

Amen.

P.V.N.

## PUNCTVM III.

Tunc ait illis Iesus; nolite timere. Ite, nunciate  
fratribus meis, ut eant in Galilæam: ibi me  
videbunt. a Matt. 28.  
10.

IN lætissimo hoc nuncio, quod iussit Christus suis fratribus referri, apparet, quam sit proprium & familiare ipsi spiritui Dei, conformem se ostendere spiritui Angelorum, & ministrorum suorum, cum idem ipse dicit, quod illi, illudq; confirmat maioribus amoris indicijs & signis. Angeli dixerant mulieribus, dicite *discipulis* eius, quia surrexit; & ecce præcedit vos in Galilæam; ibi eum videbitis: ipse autem Christus Dominus dixit, dicite *fratribus meis*: & qui Angelos non vocavit fratres, Homines *fratres* vocat, in signum tenerioris ac iucundioris amoris, ob cõsanguinitatem & similitudinem assumptæ humanæ naturæ. O Iesu amantissime, quàm dulce est auribus meis hoc verbum, quod procedit ex ore tuo: *dicite fratribus meis*; nunquam defatigabor illud audiendo, quamvis sæpissimè reperas. Loquere illud Domine cordi meo, & fac me sentire spiritum, quem in eo repositum habes, ut impetrem viræ similitudinem, quam à tali fraternitate procedere par est.

PERPENDENDA quoque est causa, cur præceperit Christus Dominus Apostolis, (sicut prius etiam Angeli dixerant) ut se conferrent in Galilæam, ubi essent illum visuri; siquidẽ eodem ipso die cogitabat, & statuerat,

E illos

*S. Grego.  
homil 21.  
in Euang.*

Illos in Iudæa, imo in Ierusalem, ubi tunc erant, visitare. Causa huius fuit, quod locus ille Iudææ, esset valde inquietus & turbatus, ipsiq; turbatione & timore pleni: quare, ut maiori quiete ac voluptate, ipsius præsentia fruerentur, iussit illos ire in Galilæam, locum, à strepitu magis remotum, ac quietum: nobis significans, quod licet obiter visitet suos, in strepitu & turbationibus huius mundi existentes, placet tamen illi, ut quietiorem locum quaeramus, in quo diutius illum videre, & cum eo conuersari possimus, in oratione & contemplatione. Ipsumque nomen Galilææ aliquid tale significat, transmigrationem videlicet: nam qui videre & frui Christo resuscitato volunt, transmigrare debent, & mutari à vitijs ad virtutem; à laxiori vita, ad strictiorem; à strepitu, ad quietem, à torpore, ad feruorem; & ab imperfectione, ad perfectionem. O Dulcissime Iesu, cui tantopere placet Galilæa, trāsfer me hac transmigratione adeo tibi grata, ut efficiar dignus te videre, contemplatione quidem in hac vita, ut postea ad alteram translatus, te facie ad faciem videam in æternum. Amen.

## MEDITATIO VI.

DE APPARITIONE CHRISTI  
Sancto Petro facta, & de illis,  
quæ eam præcesserunt.